

1861

# De Persarum cantico psychagogico commentatio

August Rossbach

Dissertation

[Let us know how access to this document benefits you.](#)

Follow this and additional works at: <https://repository.brynmawr.edu/digitizedbooks>

 Part of the [Classical Literature and Philology Commons](#)

---

## Custom Citation

Rossbach, August. *De Persarum Cantico Psychagogico Commentatio*. Vratislaviae, 1861. Print.

This paper is posted at Scholarship, Research, and Creative Work at Bryn Mawr College. <https://repository.brynmawr.edu/digitizedbooks/111>

For more information, please contact [repository@brynmawr.edu](mailto:repository@brynmawr.edu).

6/88 A2  
✓ Ro/

10

# INDEX LECTIONUM

IN

## UNIVERSITATE LITTERARUM VRATISLAVIENSI

PER AESTATEM A. MDCCCLXI.

A DIE XV. MENSIS APRILIS

HABENDARUM.

---

PRAEMISSA EST A. ROSSBACHII DE PERSARUM CANTICO PSYCHAGOGICO COMMENTATIO.

---

TYPIS ACADEMICIS.

# INDEX LECTURUM

UNIVERSITÄT

INSTITUT FÜR ANATOMIE UND PHYSIOLOGIE

FÜR ANATOMIE UND PHYSIOLOGIE

A. DIEZEL, ANATOMIE UND PHYSIOLOGIE

ANATOMIE UND PHYSIOLOGIE

ANATOMIE UND PHYSIOLOGIE

ANATOMIE UND PHYSIOLOGIE

## RECTOR ET SENATUS COMMILITONIBUS HONESTISSIMIS S. P. D.

Superiore anno quum per eandem hanc prooemii scribendi opportunitatem de Eumenidum antichoriis ageremus, probabilibus argumentis docuisse nobis videmur, carmina illa non a quindecim choreutis singulatim se excipientibus, sed aut ab hemichoriis aut ab hemichoriorum coryphaeis fuisse cantata, ab hemichoriis ea, quae strophicis vinculis comprehensa tenebantur, ab hemichoriorum coryphaeis, quae essent ἀπολελυμένα; omnem autem hanc partitionem non a tragicis poetis inventam, sed ex vetusta popularium commorum consuetudine in tragicam artem traductam liberiusque conformatam. Nunc de carmine aliquo agere constituimus, quod, licet in threnorum, qui vulgo appellantur, numero non sit, tamen et threni est simillimum et ad sepulchrum cantantum, de Persarum cantico quarto, quod a versu 635 exemplaris Hermanniani orditur ἢ ῥ' αἶτι μιν κλ. Id carmen qua ratione compositum sit, non dum videtur a quoquam exploratum. Est autem non modo iucundum et utile eam rem persequi, sed vel maxime etiam necessarium, quum nisi ante cognita compositione nec corrupta emendari nec sententiarum complexio patefieri nec carminis poetica indoles illustrari possint.

Atossa quum nesciat, quorsum in tanta rerum Persicarum clade confugiat, ad divi Darii tumulum libatura chorum hortatur his:

v. 622. ἀλλ', ὃ φίλοι, χοαῖσι ταῖςδε νεοτέρων  
ἕμνονες ἐπενφημεῖτε, τόν τε δαίμονα  
Δαρεῖον ἀνακαλεῖσθε· γαπότους δ' ἐγὼ  
τιμὰς προπέμψω τάςδε νεοτέροις θεοῖς.

quibus chorus obtemperans invocat inferos Deos:

ἀλλὰ χθόνιοι δαίμονες ἄγνοί,  
Γῇ τε καὶ Ἑρμῇ, βασιλεῦ τ' ἐνέρον  
πέμψατ' ἐνερθεν ψυχὴν ἐς φάος.



Est igitur carmen quod sequitur e genere eorum, quae *ψυχαγωγοὶ* cantare solebant, de quibus sic est in Bekkeri anecdotis p. 73, 10 traditum: *ψυχαγωγός· οἱ μὲν Ἀλεξανδρεῖς τὸν τῶν παιδῶν ἀνδραποδιζήν οὕτω καλοῦσιν, οἱ δὲ ἄρχαῖοι τοὺς τὰς ψυχὰς τῶν τεθνηκότων γοητείαις τισὶν ἄγοντας*. Eiusmodi canticum in ea quoque fabula Aeschylea, cui nomen erat *ψυχαγωγοῖς*, (in qua fabula mortuorum umbrae ab Ulixē ex Orco evocabantur) lectum fuisse, probabiliter colligitur ex iis, quae idem grammaticus deinceps scribit: *τῆς αὐτῆς ἐννοίας τοῦ Ἀλκύλου τὸ δράμα ψυχαγωγός*. Omninoque id carminum genus naeniis proximum esse, cum grammatici verba docent *γοητείαις ψυχὰς ἄγειν*, tum ea, quibus Darius e sepulchro evocatus chorū affatur:

v. 687. *ὑμεῖς δὲ θορνεῖτ' ἐγγὺς ἐξῶτες τάφον  
καὶ ψυχαγωγοῖς ὀρθιάζοντες γόοις  
οἰκτρῶς καλεῖσθ' ἐμε·*

Ne multa. Ipsum de quo quaerimus canticum, quum et a querelis ordiatur (*παναίολ' αἰανῇ δῶσθ' ὅρα βάγματα . . . παντάλαν' ἄχη*) et vociferationis lugubris plenum sit et sententiarum vocabulorumque iteratione, qualis in threnis esse solet, conspicuum: satis manifestam prae se fert commatici carminis speciem. Nec ulla vis est adhibenda, ut commoda restituatur partitio; imo vero nisi quis Aeschylum opinatur molestissima in dicendo abundantia usum esse, sua sponte eo adducitur, ut carmen ab hemichoriis cantatum existimet. Praemisimus haec, ut demonstraremus carmen simile esse iis, quae communi omnium consensu essent inter hemichoria aut singulos choreutas divisa, hoc est threnodicis. Nam qui vel stasima et parodos, ut Agamemnonis et Supplicum, eodem modo cantata credunt, ii quidem consentientes nos non habent. Sed de singulis dicamus.

Primae strophae quae sit dispositio, neminem latet, qui Hermannianis non praepeditus coniecturis Mediceum intuetur. Utrumque enim hemichorion plane idem canit, sed inverso vel palinodico ordine: Auditne me divus rex vehementer conquerentem?

*Ἡμιχόρ. Α. ἡ ῥ' αἶτι μιν μακ. βασ. | ἔντος δῶσθ' ὅρα βάγματα.*

*Ἡμιχόρ. Β. παντάλαν' ἄχη διαβοᾶσω, | νέρθεν ἄρα κλύει μιν;*

Turbavit hunc ordinem Hermannus scribendo *διαβοᾶσαι*, quo duo illa enunciata in unum coeunt. Mutationis sane caussa est certissima in activa verbi *διαβοᾶσω* forma, quae ab Atticorum hominum consuetudine abhorret, verumtamen cum Wordsworthius erravit coniunctivi hanc esse formam ratus, tum Hermannus et sententiae integritati et Aeschyleae artis legibus offecit. Incidit enim vir sagacissimus in idem illud vitium, quod olim in O. Muellero ad Eumen. v. 167 scite castigaverat, h. e. consonam strophae et antistrophi interpunctionem reddidit dissonam. In toto autem, de quo loquimur, carmine tanta est enunciatorum aequalitas, nullus fere ut locus sit, in quo turbata videatur. Accedit, quod ex coniectura illa ne probabilis quidem nascitur sententia. Nam quum Hermannus infinitivum *διαβοᾶσαι* pendentem faciat e participio *ἔντος*, sequitur, ut Aeschylus dixisse censendus sit haec: Auditne me rex vehementer conquerentem, ut audientes ad querelas fundendas adducantur? Sic enim

ille: „Non chori est διαβοῶν, sed eorum qui audiunt.“ At διαβοῶν hoc quidem loco nihil est aliud quidquam, nisi ita clamare, ut clamor diffusus ubique audiatur. In promptu est lenissima atque, ut mihi quidem videtur, certissima emendatio, qua omnia illa, de quibus diximus, effugere possimus incommoda: διαβαῦξω, ut eiusdem fabulae initio scriptum est: κακόμαντις ἄγαν ὀρσολοπεῖται, θυμὸς ἔσωθεν δὲ βαῦζει. Quod verbum grammatici quum vel rarius esse vel obscurius crederent, interpretati sunt per vulgarem illam vocem, qua labentis Graeciae aetate uti solebant.

In eiusdem syzygiae antistropho eadem est sententiarum dispositio, palinodica vel chiesta, sed paullo laxius conformata. Utrumque enim hemichorion et Deos precatur, ut Darium ex Orco emittant, et Darium honorificis nominibus appellat:

A. δαίμονα μεγαυχῇ | ἰόντ' αἰνέσας ἐκ δόμων.

B. πέμπετε δ' ἄνω, | οἶον οὐπω Περσὶς αἰ' ἐκάλυψεν.

Verba postrema οἶον οὐπω κτλ. idem significant, quod alterum hemichorion his dixerat: δαίμονα μεγαυχῇ κτλ. h. e. regem divinum et plane singularem. Nec in his quidquam est, quod offensivum habeat.

Veniamus ad alteram syzygiam. Cuius strophæ quum labem contraxerit foedissimam, praestabit ab antistropho proficisci, non integra illa quidem, sed non infortunato tamen loco corrupta. Sententiarum haec est partitio:

A. non perdidit viros infelicibus bellis, sed Θεομήτωρ appellabatur.

B. Θεομήτωρ erat, nam felix erat exercitus dux.

Ἡμιχόρ. A. οὐκ ἀπώλλυ ἄνδρας, | Θεομήτωρ δ' ἐκικλήσκειτο,

Ἡμιχόρ. B. Θεομήτωρ δ' ἔσκεν, | ἐπεὶ στρατὸν εὖ πόθ' ὠδῶκει.

Postrema in Mediceo sic depravata leguntur: εὖ (a secunda manu pro ὑπ') ἐποδῶκει, ex parte emendata iam ante Hermannum: ὠδῶκει, nec addidi ego quidquam nisi πόθ', ut hemichoriorum dicta plane sint exaequata:

οὐδὲ γὰρ ἄνδρας πότ' ἀπώλλυ . . .

ἐπεὶ στρατὸν εὖ πόθ' ὠδῶκει.

Quae vero ex Pollucis onom. I, 98 attulit Tan. Faber: ὁ κυβερνήτης, ὁ ἐπὶ τῶν οἰάκων καὶ ἡγεμὸς, ὁ τῆς νεῶς ἡγεμὸν, ὁ τῶν ναυτῶν ἄρχων, ὁ ἐπὶ τοῖς οἰάξιν ἐξὼς καὶ κατ' Ἀντιφῶντα ὁ ποδοχῶν ἢ μάλλον κατ' ἐμὲ ὁ ποδηγῶν et Hermannus e Bekkeri anecd. I, p. 297, 5: ποδοχεῖν, τὸ τῷ ποδὶ κυβερνᾶν κτλ., ea neque ad Aeschylum pertinent neque ad tollendam illam librorum corruptelam apta videntur, nisi strophæ verbis ἀνακτα Λαρεῖάν, quae prorsus sunt sana, per vim mutatis. Nec scholiastæ, cuius exemplar eodem modo corruptum quo Medicæum videtur, ulla fides est, siquidem id ex his, quae scribit, colligi potest: ὑπὸ τὸν ἑαυτοῦ πόδα ἡνιόχει. Difficilior de strophæ integritate quaestio est:

ἡ φίλος ἀνὴρ, φίλος ὄχθος,

φίλα γὰρ κέκευθεν ἥθη.

Ἄιδωνεὺς δ' ἀναπομπὸς ἀνείης, Ἄιδωνεὺς

Δαρεῖον οἶον ἄνακτα Δαρειάν, ἡέ.

In quibus pro οἶον e scholiis perquam commode reductum est: οἶον h. e. singularem vel, ut scholiasta ait, τὸν μόνον γενόμενον βασιλέα διὰ τὸ κηδεμονικόν, neque tamen antecedentis nominis Δαρεῖον, quod numeris repugnat, sublata dubitatio. Nam quod Hermannus scribendum iudicavit δάϊον, id quidem, quum sententiae non conveniat, nequaquam probaverim. Non enim δάϊον h. e. hostilem chorus appellare debet Darium nisi adiecto alio vocabulo, sed bellicosum vel militare vel alio modo. Nos vero sic ratiocinamur: Vidimus in his duabus syzygiis inesse insignem enunciatorum aequabilitatem, quam ne emendando tollamus, prima lex est. Quare quemadmodum in antistropho hemichoriorum dicta verbis finitis, quae appellantur, sunt determinata: οὐκ ἀπώλλυ . . . ἐκκλήσκειτο || ἔσκεν . . . ὠδώνει, sic in strophā pro Δαρεῖον verbum aliquod, quod alteri ἀνείης par fuerit, locum habuisse verisimile est. Atque quum in antistropho posterius θεομήτωρ particula δὲ sequatur, eandem fuisse strophae rationem existimamus. Ergo Δαρεῖον ex duabus vocibus videtur fortuito conflatum, quarum prior ipsa illa particula δὲ fuit, posterior voci ἀνείης suppar. Qua nos adducti ratiocinatione sic haec redintegrandā arbitramur:

Ἄιδωνεὺς δ' αἶρε τὸν οἶον ἄνακτα Δαρειάν, ἡέ.

αἶρεσθαι autem in re scenica dicebantur dii et heroes et mortui, qui per machinas ex Orco sursum tollebantur, de qua re Athen. VI, 222, E. Plat. Cratyl. 425 D. Postremo non est, quod hanc quoque stropham παλινωδικῶς compositam copiose demonstramus:

A. φίλος ἀνὴρ κτλ.

Ἄιδωνεὺς κτλ.

B. Ἄιδωνεὺς κτλ.

οἶον ἄνακτα κτλ.

Tertiae syzygiae alia ratio est, nam et palinodicus subsistit ordo et in plures partes fit distributio. Quod quo consilio a poeta institutum sit, facile intelligitur; animis enim vehementius incitatis vehementior fit oratio atque in singula commata colaque conciditur. Itaque et enunciatorum vincula desunt in strophā αἰείων . . . πικράσκων et in antistropho bis ponitur particula γὰρ (Συνγία γὰρ . . . νεολαία γὰρ κτλ.), altera relata ad ὅπως καινὰ τε κλήης νέα τ' ἄχνη, altera ad δέσποτα δεσπότην, φάνηθι, perinde ac si orationis interpellatio plane sit nulla hoc modo:

A. 1. βαλὴν ἀρχαῖος, βαλὴν, ἔθι, ἐκοῦ

B. 2. ἔλθ' ἐπ' ἀκρὸν κόρυμβον ὄχθον

3. κροκόβαπτον ποδὸς εὐμαρὶν αἰείων.

4. βασιλείον τίηρας φαλαρὸν πικράσκων.

At versus intercalaris commodae videtur obstare partitioni? Minime. Quemadmodum enim postrema totius antichorii pars, epodica potissimum, a toto choro cantari solet, sic epiphonema quoque, quod strophae unius quasi quaedam epodus est, consentaneum est a toto choro una concinente cantari, ut mos erat in threnis et cantilenis popularibus. Stropham sequitur antistrophus orationis cursu non intermisso, cuius rei exempla sunt apud Aeschylum haec:

Sept. v. 832. Ἀλλὰ γόνων, φίλια, καὶ οὖρον

ἀντ. ἐρέσσετ' ἀμφὶ κρατὶ πόμπιμον χεροῖν κτλ.

Suppl. v. 565. λαβοῦσα δ' ἔρμα Λῖον ἀψευδεῖ λόγῳ

γείνατο παῖδ' ἀμεμφῇ

ἀντ. δι' αἰῶνος μακροῦ πάνολβον.

Versu antistrophī secundo δέσποτα δεσπότην φάνηθι obscurata videtur dicendi concinnitas. Haec enim quomodo congruunt cum illis, quae antecedens hemichorion dixerat: ὅπως καινὰ κτλ.? Non haerendum tamen est, praesertim quum in reliqua antistrophī parte prorsus manifestā sit hemichoriorum aequalitas. Neque enim aliud quidquam verba ὅπως κλήης ἄχῃ sonant, nisi κλῦθι ἄχῃ, ex quo sequitur, idem fere in iis inesse atque in alterius hemichorii verbis: δέσποτα, φάνηθι. Ceterum ἰθι, quod in libris est, licet Seidleriana coniectura elegantissima sit ἰθ' ἰθ', retinendum censeo; alterum vero δέσποτα cum Hermanno aliisque in δεσπότην mutandum. Sic v. 682 πιεῖα πιεῶν et similia.

Perventum nobis est ad epodum in Mediceo mendosissime scriptam. Eam Hermannus adscitis Brunckii aliorumque coniecturis probabiliter restituit, nisi quod pro τί τάδε, quod in libris scriptum est, τίποτε reponere malim. Cumulata sane verba videntur haec: περὶ τὰ σὰ διδύμα δι' ἄνοιαν ἀμαρτία, sed non sine exemplis cumulata: *duplici per dementia peccato in opes tuas*. Verum quocunque modo haec se habent, ceterorum antichoriorum, de quibus alio loco diximus, similitudine adducimur, ut hanc quoque epodum a toto choro una conclamante cantatam credamus.

His dictis totum canticum ad nostram sententiam conformatum oculis obiiiciamus:

στρ. α'.

#### HMIXOPION A.

636. ἦ ὅ' αἶτι μὲν μακαρίτας ἰσοδαίμων βασιλεὺς

βάρεβρα σαφηνῇ

ἔντος τὰ παναίολ' αἰανῇ δύεθροα βάγματα;

#### HMIXOPION B.

640. παντάλαν' ἄχῃ διαβαῦξω.

νέρεθεν ἄρα κλύει μου;

ἀντιστρ. α'.

#### HMIXOPION A.

ἀλλὰ σύ μοι Γᾶ τε καὶ ἄλλοι χθονίων ἀγεμόνες,

δαίμονα μεγαυχῇ

645. ἰόντ' αἰνέσατ' ἐκ δόμων, Περσᾶν Σουσιγενῇ θεόν.

## ΗΜΙΧΟΡΙΟΝ Β.

πέμπετε δ' ἄνω, οἶον οὐπω  
Περσὶς αἶ' ἐκάλυψεν.

ε ρ. β'.

## ΗΜΙΧΟΡΙΟΝ Α.

650. ἡ φίλος ἀνὴρ, φίλος ὄχθος,  
φίλα γὰρ κέκευθεν ἦθη.  
Ἄιδωνεὺς δ' ἀναπομπὸς ἀνείης,

## ΗΜΙΧΟΡΙΟΝ Β.

Ἄιδωνεὺς δ' αἶρε τὸν οἶον ἄνακτα Δαρείαν, ἡέ.

ἀ ν τ ι ε ρ. β'.

## ΗΜΙΧΟΡΙΟΝ Α.

655. οὔτε γὰρ ἄνδρας πότ' ἀπώλλυ  
πολεμοφθόροισιν ἄταις,  
Θεομήτωρ δ' ἐκικλήσκετο Πέρσαις,

## ΗΜΙΧΟΡΙΟΝ Β.

Θεομήτωρ δ' ἔσκεν, ἐπεὶ ξρατὸν εὖ πόθ' ὠδῶκει, ἡέ.

σ τ ρ. γ'.

## ΗΜΙΧΟΡΙΟΝ Α.

660. βαλήν, ἀρχαῖος βαλήν, ἴθι, ἑκοῦ,

## ΗΜΙΧΟΡΙΟΝ Β.

ἔλθ' ἐπ' ἄκρον κόρυμβον ὄχθου,

## ΗΜΙΧΟΡΙΟΝ Α.

κροκόβαπτον ποδὸς εὐμαριν αἰείρων.

## ΗΜΙΧΟΡΙΟΝ Β.

βασιλείου τιήρας φάλαρον πιφαύσκων.

## ΧΟΡΟΣ. (ἐπιφώνημα.)

665. βάσκε, πάτερ ἄκακε Δαρείαν, οἶ,

ἀ ν τ ι ε ρ. γ'.

## ΗΜΙΧΟΡΙΟΝ Α.

ὅπως καινά τε κλύης νέα τ' ἄχη,



## HMIXORION B.

δέσποια δεσπότου, φάνηθι,

## HMIXORION A.

Συνγία γάρ τις ἐπ' ἀχλὺς πεπόταται.

## HMIXORION B.

670. νεολαία γὰρ ἤδη κατὰ γὰς ὅλωλεν.

## ΧΟΡΟΣ. (ἐπιφώνημα.)

βάσκε, πάτερ ἄκακε Δαρειάν, οἱ.

ἐπ' ὁ.

## ΧΟΡΟΣ.

αἰαῖ, αἰαῖ,

675. ὃ πολὺν κλαυτε φίλοισι θανών,

τίπτε, δυνάστα, δυνάστα,

περὶ τὰ σὰ διδύμῳ

δι' ἄνοιαν ἀμαρτίῃς

πάσῃ γὰρ τᾷδ'

680. ἐξέφθινται τρίσκαλμοι

νᾶες, ἄναες νᾶες;

Superest, ut de metris, quae propria quaedam habent, nonnihil adiciamus. Vehementi animorum concitationi, quae in tertia est syzygia, convenit diversorum numerorum consociatio, dipodiae dochmiacae, tetrapodiae logaoedicae, quattuor ionicorum. Quibus decursis hic ordo sequitur: τήρας φάλαρον πυφάνσμων, quem dochmiaco generi adnumerare non dubitamus:

$$\cup \cup | - \cup \cup - \cup \cup -$$

Nec ad aliud genus pertinet ultimus: βάσκε, πάτερ ἄκακε Δαρειάν, οἱ, nisi quod pro iambo praemissus est creticus:

$$\cup \cup \cup | \cup \cup - \cup \cup -$$

Ex hac autem dochmiorum, paeonum, logaoedorum in eadem strophæ coniunctione intelligitur, qua ratione primæ syzygiæ metra, de quibus a multis dubitatum est, sint dispescenda. Sunt, qui hæc βάσκα σαφηνῇ et παντάλαν' ἄχῃ aut numero prorsus carere aut ex solutis iambis constare credant. At prior ordo βάσκα σαφηνῇ dipodia est paeonica catalectica, posterior παντάλαν' ἄχῃ, qui est coniungendus cum sequenti verbo διαβαῦζω, tripodia paeonica. Neque in strophis choricis Aeschylum prorsus aspernatum esse paeones Suppl. locus

v. 419 φρόντισον κτλ. testatur. Fit igitur numeri ex altero in alterum genus transitus, vel ut rhythmici dicunt μεταβολὴ εἰς ἄλλο γένος, quae animorum commotioni in carminibus ἀνακλιζουσι valde est consentanea. Nec antistrophi ratio refragatur, est enim et hiatus πέμπτε δ' ἔνω, οἶον in invocando legitimus et legitima contractio διαβαῦξω — οἶον οὐπω. Hinc sequitur, strophae paeonem primum congruere cum antistrophi bacchio:

— — — — —

Idem est apud Pind. in Olymp. II, quod carmen ad paeonici numeri leges cognoscendas est aptissimum:

- v. 5. . . . . ἔλασεν | Ἡρακλέ|ης  
v. 10. . . . . πλοῦτόν τε | καὶ χάριν ἄ|γων  
v. 23. . . . . πένθος δ' ἐ|πίννει βα|ρύ  
v. 30. . . . . ἦτοι βρο|τῶν γε νέκρ|ται.

Ergo temerariis abstineamus mutationibus, praesertim quum neque comicorum poetarum leges ad tragicos transferri liceat neque paeonica carmina aetatem tulerint nisi paucissima. Illud quidem e Pindarico, quod memoravimus, carmine iure colligi potest, quinque hemioli pedis temporum primum et secundum, tertium et quartum versu sive ab arsi sive a thesi ordiente haud raro ita coaluisse, ut poetae chorici liberiores quasdam responsiones admittere non dubitaverint. Sed haec hactenus.

Scripsimus Vratislaviae VIII. ante Kal. Febr. MDCCCLXI.





## ORDO THEOLOGORUM CATHOLICORUM.

IOSEPHUS HENRICUS FRIEDLIEB, Dr. P. P. O. h. t. Dec. Publice I. *Hermeneuticam biblicam una cum arte critica* tradet d. Ven. et Sat. h. x. II. In seminario regio theol. cathol. sodalium *exercitationes in N. T.* moderabitur d. Iov. h. v. et vi. Privativim III. *Epistolae S. Pauli ad Timotheum nec non ad Titum* explicabit dieb. Lun. Mart. Merc. h. x.

IOANNES BAPTISTA BALTZER, Dr. P. P. O. lectiones suo tempore indicabit.

IOANNES FRANCISCUS POHL, Dr. P. P. O. Publice I. *De arte homiletica* disseret d. Merc. et Sat. h. ix. de Iov. h. iv. II. *Repetitorium de theologia pastorali* instituet d. Ven. h. iv. Privativim III. *De theologia pastorali* disputare perget duce libro a se scripto, qui mox in lucem prodibit: „*Die gottmenschlichen Thätigkeiten der Kirche etc.*“ Paderborn 1861. dieb. Lun. Mart. Iov. Ven. h. ix.

FRANCISCUS ANTONIUS BITTNER, Dr. P. P. O. lectiones suo tempore indicabit.

CAROLUS FRIDERICUS STERN, Dr. P. P. O. Publice I. *Introductionem generalem et specialem in libros Vet. Testamenti* dabit dieb. Lun. Merc. Ven. h. vii. II. In seminario regio theol. cathol. *exercitia de Vetere Testamento exegetica* moderabitur d. Sat. h. x. et xi. Privativim III. *Minorum prophetarum vaticinia* interpretabitur dieb. Lun. Mart. Iov. Ven. h. viii.

IOSEPHUS HUBERTUS REINKENS, Dr. P. P. O. Publice I. *Repetitiones historiae ecclesiasticae* instituet d. Iov. et Ven. h. x. II. In seminario regio theol. cathol. *exercitationes ad historiam ecclesiasticam pertinentes* moderari perget d. Lun. h. iii. et iv. Privativim III. *Historiae ecclesiasticae partem priorem* tradet dieb. Lun. Mart. Merc. Iov. Ven. h. xi.

IOANNES ANTONIUS SOFFNER, Theol. Lic. Gratis I. *Doctrinam christianam de S. S. Sacramentis deque rebus hominis novissimis* tradet dieb. Iov. Ven. Sat. h. XII. Privatim II. *Doctrinam christianam de S. S. Trinitate ac de Deo creatore* exponet dieb. Lun. Mart. Merc. h. XII.

PAULUS FRANCISCUS SCHOLZ, Theol. Lic. Privatim. *Theologiae moralis partem alteram* tradet dieb. Lun. Mart. Iov. h. XI.

## ORDO THEOLOGORUM EVANGELICORUM.

CAROLUS FRIDERICUS GAUPP, Dr. P. P. O. h. t. Dec. Publice I. *Exercitationes* in seminario regio practico moderari perget d. Merc. h. VII. Privatim II. *Epistolam Pauli ad Romanos* interpretabitur dieb. Lun. Mart. Iov. Ven. h. VII. III. *Theologiae practicae partem primam et tertiam (Liturgicam et doctrinam de regimine ecclesiae s. ecclesiast.)* tradet dieb. Lun. Mart. Iov. Ven. Sat. h. VIII.

AUGUSTUS HAHN, Dr. P. P. O., reliquorum, quibus fungitur, munerum rationibus impeditus lectiones per aestatem habere non poterit.

GUILELMUS BOEHMER, Dr. P. P. O. Publice I. *De ingenio, vita atque scriptis patrum, quos apostolicos et ecclesiasticos vocant*, disputabit d. Merc. et Sat. h. XII. II. *Exercitationes, quae ad novum testamentum pertinent, tum exegeticas, tum criticas* in seminario reg. theol. moderabitur bis horis adhuc def. Privatim III. *Quam fere vocant theologiam dogmaticam tanquam fidei christianae systema* libri sui: „*Die christliche Glaubenswissenschaft*;" Vratisl. foras emissi, habita ratione proponet dieb. Lun. Mart. Iov. h. XII.

CAROLUS SEMISCH, Dr. P. P. O. Publice I. *Exercitationibus* seminarii theologi ad ecclesiae dogmatumque historiam pertinentibus praeesse perget d. Mart. h. III. Privatim II. *Historiae ecclesiasticae partem priorem* tradet quotidie h. VIII. et d. Mart. h. IX. III. *Introductionem in N. T. libros* enarrabit quinquies per hebd. h. IX.

IULIUS FERDINANDUS RAEBIGER, Dr. P. P. O. Publice I. *Exercitationes* seminarii theologi in Vet. Test. interpretando moderari perget d. Sat. h. XII. Privatim II. *Psalms* interpretabitur quinquies per hebd. h. X. III. *Encyclopaediam theologicam* tradet dieb. Lun. Mart. Iov. Ven. h. XI.

IULIUS KOESTLIN, Dr. P. P. O. Publice I. *Exercitationes seminarii theologi quae ad theologiam systematicam pertinent* moderabitur binis per hebd. horis. Privatim II. *Theologiam Novi Testamenti* tradet quinquies per hebd. h. XI. III. *Evangelium Ioannis* interpretabitur quinquies per hebd. h. XII.

**EDUARDUS GUSTAVUS MEUSS**, Dr. P. P. E. Publice I. *Exercitationes homileticas et catecheticas* in seminario regio practico moderari perget d. Lun. h. III. d. Merc. h. XI. Privatum II. *Theologiam moralem* docebit quinquies vel sexies per hebd. h. IX. III. *Theologiam symbolicam* tradet quinquies per hebd. h. X.

**FRIDERICUS GUILIELMUS SCHULTZ**, Theol. Lic. Phil. Dr. P. P. E. des. Publice I. *Epistolas Petri et Iudae* interpretabitur d. Merc. h. XI. d. Sat. h. X. et XI. Privatum II. *Genesin* interpretabitur quinquies per hebd. h. X. III. *Theologiam Vet. Test.* docebit dieb. Lun. Mart. Iov. h. XI.

**GEORGIUS LUDOVICUS HAHN**, Theol. Lic. Phil. Dr. P. P. E. Publice I. *Examinatorium de historia ecclesiae et dogmatum Christianorum* instituet bis per hebd. Privatum II. *Dogmatum historiam* enarrabit quinquies per hebd. h. XII. III. *Evangelium Lucae* ratione habita priorum evangeliorum interpretabitur dieb. Lun. Mart. Iov. Ven. h. VII.

---

## ORDO IURECONSULTORUM.

---

**IULIUS FRIDERICUS HENRICUS ABEGG**, Dr. P. P. O. h. t. Dec. Publice I. *Summa iuris poenalis principia sive doctrinam de iustitia poenarum* adhibito libro suo: „*Die verschiedenen Strafrechtstheorien*“ inscripto exponet d. Iov. h. VI. mat. II. *Ius naturae sive philosophiam iuris* examinando repetet d. Iov. h. IX. Privatum III. *Ius criminale commune et Borussicum* secundum librum suum: „*Lehrbuch der Strafrechtswissenschaft*“ inscriptum, et novum *Codicem poenalem Borussicum* tradet quotidie h. VII. d. Mart. et Merc. h. VI. mat. IV. *Processum civilem secundum praecepta iuris communis et Borussici* ad conspectum suum et librum: „*Versuch einer Geschichte der Preussischen Civilprocess-Gesetzgebung*“ Vratisl. 1848. a se editum docebit quotidie h. VIII.

**PHILIPPUS EDUARDUS HUSCHKE**, Dr. P. P. O. Publice I. *Ius pignorum et hypothecarum* docebit d. Ven. et Sat. h. XII. Privatum II. *Pandectas iuris civilis ex cepto iure personarum, pignorum et hereditario* tradet quotidie h. VIII. et IX. III. *Ius hereditarium* exponet dieb. Lun. Mart. Merc. Iov. h. XII.

**LUDOVICUS GITZLER**, Dr. P. P. O. Publice I. *Bullam circumscriptionis „de salute animarum“* interpretabitur d. Sat. h. X. II. *Ius quod ad personas attinet*, docebit dieb. Lun. Mart. Merc. Iov. hor. VII. Privatum III. *Institutiones et historiam iuris Romani* tradet quotidie h. VIII. et IX.

**IOANNES ERNESTUS OTTO STOBBE**, Dr. P. P. O. Publice I. *Speculum Saxonicum* interpretabitur d. Lun. et Iov. h. XII. Privatum II. *Historiam iuris Germanici*

tradet dieb. Lun. Mart. Merc. Iov. Ven. h. x. III. *Ius ecclesiasticum Catholicorum et Evangelicorum* docebit dieb. Lun. Mart. Merc. Iov. Ven. h. xi.

HERMANNUS IOANNES FRIDERICUS SCHULZE, Dr. P. P. O. Publice I. *Exercitationes et interpretationes ex fontibus iuris Germanici* instituet d. Ven. h. viii. et ix. Privatum II. *Ius Germanicum privatum cum iure feudali* tradet octies per hebdomadem dieb. Lun. Mart. Merc. Iov. h. viii. et ix.

IOANNES THEODORUS SCHIRMER, Dr. P. P. E. Publice I. *Ordinem iudiciorum privatorum, quo usi sunt Romani* exponet d. Lun. et Iov. h. iii. Privatum II. *Encyclopaediam et methodologiam iuris universi* tradet quotidie except. d. Sat. h. x. III. *Institutiones et historiam iuris Romani* docebit quotidie h. viii. et ix.

GEORGIUS FRIDERICUS FELIX EBERTY, Dr. P. P. E. des. Publice I. *Iuris Anglici capita quaedam* exponet bis h. x. Privatum II. *Philosophiam iuris sive ius naturale quod vocant* docebit quotidie excepto d. Merc. h. xi.

PETRUS IOSEPHUS MARX, Dr. Gratis I. *Pandectas iuris civilis examinando et disputando* repetet bis vel ter per hebd. h. iv. II. *Ius matrimoniorum secundum iuris canonici et recentiorum constitutionum civilium praecepta* docebit d. Mart. et Ven. h. iv. Privatum III. *Ius ecclesiasticum Catholicorum et Evangelicorum* excepto d. Sat. quotidie tradet h. xi.

FRIDERICUS RIVE, Dr. Gratis I. *Taciti librum, qui inscribitur „De Germania“* interpretabitur d. Lun. et Iov. h. v. II. *Antiquitates iuris germanici, quae continentur poemate „Reineke Vos“* explicabit d. Merc. et Sat. h. v. III. *Principia iuris metallici, quae videntur in Borussia sinistra Rheni ripa*, tradet d. Mart. et Ven. h. v. Privatum IV. *Ius publicum Germanicum* docebit quotidie exc. die Sat. h. x.

OTTO FRANKLIN, Dr. Gratis I. *Ordinem iudiciorum apud veteres Germanos* exponet d. Lun. et Iov. h. xii. III. *Historiam iuris civilis Borussici* tradet d. Iov. h. xi. Privatum III. *Ius civile Borussicum* docebit quinquies per hebd. h. xi.

---

## ORDO MEDICORUM.

---

IOANNES CAROLUS LEOPOLDUS BARKOW, Dr. P. P. O. h. t. Dec. Privatissime et gratis I. *Exercitationes zootomico-practicas* moderabitur sexies per hebd. h. def. Publice II. *Anthropologiam seu historiam naturalem generis humani* docebit d. Sat. h. xi. III. *Morphologiam anatomico-pathologicam* exponet d. Merc. et Sat. h. vi. mat. Privatum IV. *Anatomiam comparativam universam* tradet dieb. Lun. Mart. Iov. Ven. h. ix.

TRAUGOTTUS GUILIELMUS GUSTAVUS BENEDICT, Dr. P. P. O. Publice I. *Historiam chirurgiae* exponet quater per hebd. h. def. Privatum II. *Chirurgiam genera-*



lem et doctrinam de operationibus chirurgicis exponet h. def. III. *Ophthalmiatricen* docebit h. def.

**IULIUS GUILIELMUS BETSCHLER**, Dr. P. P. O. Publice I. *Cursum operationum obstetriciarum* moderabitur d. Merc. h. iv. et v. Privatum II. *Morbos sexus sequioris* docebit quater per hebd. h. vii. III. *Clinicum gynaecologicum* moderabitur quotidie h. viii.

**HERMANNUS LEBERT**, Dr. P. P. O. Publice I. *De morbis cordis atque vasorum* disseret d. Sat. h. xii. Privatum II. *Clinicum et policlinicum medicum* moderabitur sexies per hebd. h.  $x\frac{1}{2}$  — xii. III. *Pathologiam et therapiam specialem* docebit quinquies per hebd. h. xii.

**ALBERTUS THEODORUS MIDDELDORPF**, Dr. P. P. O. Publice I. *De fracturis ossium* disseret d. Sat. h. viii. mat. Privatum II. *Clinicen et policlinicen chirurgico-ophthalmologicam* moderabitur sexies per hebd. h. ix —  $x\frac{3}{4}$ . III. *Chirurgiam et doctrinam de fasciis, instrumentis et operationibus subiunctis exercitationibus in cadavere instituendis* docebit quinquies per hebd. h. viii. mat.

**RUDOLPHUS PETRUS HENRICUS HEIDENHAIN**, Dr. P. P. O. Publice I. *Physiologiam systematis nervosi cerebro-spinalis* docebit d. Mart. et Ven. h. v. Privatum II. *Physiologiam generalem et physiologiae specialis partem priorem (functiones quae vocantur animales)* docebit quotidie h. vii. mat. Privatissime III. *Exercitationes microscopicas et experimentales in instituto physiologico* dirigere perget quotidie horis mat. et vesp.

**GUILIELMUS HENRICUS CAROLUS GROSSER**, Dr. P. P. E. des. Publice I. *Constructionem et usum microscopii* monstrabit d. Merc. et Sat. h. iii. Privatum II. *Angiologiam* docebit d. Mart. et Ven. h. viii. III. *Osteologiam et syndesmologiam* exponet d. Lun. et Iov. h. viii.

**IOANNES IOSEPHUS SEIDEL**, Dr. Gratis I. *Selecta capita materiae medicae* pertractabit d. Lun. et Merc. h. ii. Privatum II. *De fontibus Germaniae foteriis* disseret dieb. Lun. Mart. Ven. Sat. h. iii. III. *Materiam medicam* exponet sexies per hebd. hor. adhuc def.

**CAROLUS GUILIELMUS KLOSE**, Dr. Gratis I. *De herniis* disseret d. Mart. et Sat. h. iv. Privatum II. *Medicinam forensem* docebit dieb. Lun. Merc. Ven.

**IOANNES AUGUSTUS BURCHARD**, Dr. Gratis I. *De morbis recens natorum* disseret et *cursum vaccinationis* instituet d. Merc. et Sat. h. iv. Privatum II. *Artem obstetriciam* docebit quater per hebd. h. iv. III. *Operationes gynaecologicas* demonstrabit ter per hebd. h. v.

**HENRICUS NEUMANN**, Dr. Gratis I. *Psychiatricen* docebit d. Lun. et Iov. h. iii. II. *Psychologiam forensem* tradet d. Mart. et Ven. h. iii.

**THEOBALDUS BASILIUS PAULUS REYMANN**, Dr. Gratis I. *Morbos syphiliticos* tractabit d. Merc. et Sat. h. vii. mat. Privatum II. *Therapiam generalem* docebit dieb. Lun. Mart. Iov. Ven. h. vii. mat.

**ARMINIUS RUDOLPHUS AUBERT**, Dr. Gratis. *Anatomiam comparatam animalium evertebratorum* docebit cum demonstrationibus dieb. Lun. Mart. Merc. h. ii.

ARMINIUS IULIUS PAUL, Dr. Gratis I. *De morbis infantum chirurgicis* disseret et *exercitationes vaccinatorias* moderabitur d. Sat. h. v. Privatum II. *Medicinam forensem* docebit dieb. Lun. Merc. Ven. h. v. Privatissime III. *Exercitationes morbos infantum dignoscendi et curandi practicas moderari* perget dieb. Lun. Merc. Ven. h. III — IV $\frac{1}{2}$ .

BERNHARDUS COHN, Dr. Gratis I. *Exercitationes pathologico-microscopicas* moderabitur d. Sat. h. iv. Privatum II. *Exercitationes diagnosticas morborum internorum* moderabitur quater per hebd. h. iv. III. *Anatomiam pathologicam* tradet quater per hebd. h. v.

RICHARDUS FOERSTER, Dr. Privatum I. *Exercitationes diagnostico-therapeuticas in morbis oculorum tractandis* instituet d. Mart. et Ven. h. iv. Privatissime II. *Exercitationes practicas operationum quae in oculo instituuntur*, moderabitur d. Lun. et Iov. h. v.

GEORGIUS LEWALD, Dr. Gratis I. *Artem formulas medicas rite concinnandi* tradet d. Sat. h. iv. Privatum II. *Universam materiam medicam* docebit dieb. Lun. Mart. Merc. Ven. h. iv.

RAPHAEL FINCKENSTEIN, Dr. Gratis I. *Epidemiologiam generalem* docebit d. Lun. h. vi. mat. II. *Hippocratis de aëre, aquis et locis librum* interpretabitur d. Iov. h. vi. mat. Privatum III. *Encyclopaediam et methodologiam medicinae* tractabit d. Mart. et Ven. h. III.

CAROLUS IMMANUEL KLOPSCH, Dr. Gratis I. *Historiam artis medicae ab inventione Harveyana usque ad nostram aetatem* docebit d. Lun. Mart. Ven. h. III. II. *De morbis chronicis apparatus locomotorii* disseret d. Merc. et Sat. h. III. Privatum III. *Encyclopaediam et methodologiam studii medici* tractabit d. Lun. et Iov. h. iv.

GUILELMUS ALEXANDER FREUND, Dr. Gratis. *Gynaecologiam generalem (part. II.)* docebit d. Merc. h. III.

HENRICUS ROBERTUS GOEPPERT, Dr. P. P. O. Publice I. *Exercitationes pharmacologicas microscopicas* moderabitur d. Sat. h. XII. Privatum II. *De plantis officialibus et de earum productis secundum ordines naturales cum demonstrationibus pharmacologicis in museo botanico* dieb. Lun. Mart. Iov. Ven. h. x. et in horto botanico duce libello suo: „*Die botanischen Museen, insbesondere das bei der Universität Breslau*“ inscripto disseret semel per hebd. h. vi.

## ORDO PHILOSOPHORUM.

ADOLPHUS FRIDERICUS STENZLER, Dr. P. P. O. h. t. Dec. Publice I. *Linguae Persicae* docebit d. Lun. et Iov. h. III. II. *Grammaticam linguae Sanscritae* tradet d. Mart. et Ven. h. III.

**PETRUS IOSEPHUS ELVENICH**, Dr. P. P. O. Publice I. *Exercitationes dialecticas* moderabitur bis per hebd. Privatum II. *Logicam* docebit dieb. Lun. Mart. Merc. h. III. III. *Psychologiam* explicabit dieb. Mart. Merc. Iov. h. IV.

**CAROLUS IACOBUS LOEWIG**, Dr. P. P. O. Publice I. *De analysi chemica, quam quantitativam vocant*, disseret d. Merc. et Ven. h. XII. Privatum II. *Chemiā organicam* docebit et *experimentis* illustrabit senis dieb. h. VIII. III. *In laboratorio chemico operam daturis* aderit quinquies per hebd. ab hora IX. usque ad h. XII. et ab h. II. usque ad h. VI.

**CHRISTOPHILUS IULIUS BRANISS**, Dr. P. P. O. Publice I. *De philosophia nostri temporis* disseret d. Mart. et Ven. h. V. Privatum II. *Ethicam* docebit dieb. Lun. Merc. Iov. h. V.

**HENRICUS ROBERTUS GOEPPERT**, Dr. P. P. O. Publice I. *Excursiones, quas vocant botanicas in agro Vratislaviensi* instituet d. Sat. h. III. II. *Exercitationes pharmacologico-microscopicas* moderabitur d. Merc. h. XII. Privatum III. *Botanicen generalem et specialem vel systematicam* explanabit una cum expositione familiarum naturalium duce libello suo: „*Die officinellen und technisch wichtigen Pflanzen unserer Gärten, insbesondere des botanischen Gartens in Breslau*,“ dieb. Lun. Mart. Merc. Iov. Ven. h. XI. d. Lun. et Iov. h. IV.

NB. *Lectiones, quae ad medicinam pertinent, scholis Medicorum sunt annexae.*

**ADOLPHUS EDUARDUS GRUBE**, Dr. P. P. O. Publice I. *Demonstrationes zoologicas* instituet d. Iov. h. III. Privatum II. *Zoologiae partem primam* docebit dieb. Mart. Merc. Iov. Ven. Sat. h. X.

**HENRICUS FRIDERICUS HAASE**, Dr. P. P. O. Publice I. *Exercitationes seminarii regii philologici* reget d. Merc. h. IX. et X. d. Sat. h. IX. Privatum II. *Aristophanis Acharnenses* interpretabitur dieb. Lun. Mart. Iov. Ven. h. IX. III. *Litterarum Romanarum historiam* enarrabit quotidie h. VIII.

**IOANNES LUDOVICUS TELLKAMPF**, Dr. P. P. O. Publice I. *De aere alieno publico, quod civitates contrahere solent*, disseret d. Merc. h. XII. II. *Disputationes de quaestionibus politicis* instituet hor. audit. comm. Privatum III. *Rerum publicarum administrationem (Staatswirthschaft) et doctrinam de redditibus et sumptibus publicis (Finanzwissenschaft)* docebit dieb. Lun. Mart. Merc. Iov. Ven. h. X.

**MAURITIUS LUDOVICUS FRANKENHEIM**, Dr. P. P. O. Privatissime et gratis I. *Exercitationes physicas* moderabitur d. Sat. h. XI. et XII. Publice II. *Acusticam* docebit d. Merc. h. III. Privatum III. *Physicam universalem* exponet et *experimentis* illustrabit quinquies per hebd. h. XII.

**FERDINANDUS IOACHIMSTHAL**, Dr. P. P. O. Privatissime et gratis I. *De serie hypergeometrica* disseret d. Merc. et Sat. h. X. Privatum II. *Elementa geometriae analyticae* docebit dieb. Lun. Mart. Iov. Ven. h. X.

**RICHARDUS ROEPELL**, Dr. P. P. O. Publice I. *Exercitationes seminarii historici* moderari perget. Privatum II. *Historiam medii aevi* tradet quater per hebd. h. XII.

**FERDINANDUS ROEMER**, Dr. P. P. O. Publice I. *Geognosiam Germaniae bo-realis* exponet d. Merc. h. V. II. *Excursiones geognosticas* instituet dieb. p. i. Privatum



III. *Mineralogiam* docebit quinques per hebd. h. ix. IV. *Palaeontologiam* docebit quinques per hebd. h. vii.

**GUILELMUS IUNKMANN, Dr. P. P. O.** Privatissime et gratis I. *Exercitationes historicas* moderabitur h. d. Publice II. *Historiam saeculi XV.* enarrabit d. Merc. et Sat. h. iv. Privatim III. *Historiam universalem inde a Carolo V.* tradet dieb. Lun. Mart. Iov. Ven. h. iv.

**IOANNES GODOFREDUS GALLE, Dr. P. P. O.** Privatissime et gratis I. *Explicationem theoriae perturbationum specialium* offert d. Mart. h. v. Publice II. *Geometriam et trigonometriam sphaericam* tradet d. Lun. et Iov. h. v. Privatim III. *Interpolationem et quadraturas mechanicas* exponet dieb. Lun. Mart. Iov. Ven. h. ix.

**AUGUSTUS ROSSBACH, Dr. P. P. O.** Publice I. *Seminarii philologici regii exercitationes* moderabitur d. Lun. h. x. et xi. de Iov. h. x. II. *Archaeologicas exercitationes* habebit d. Iov. h. xi. et xii. Privatim III. *Aeschyli Choephoros* interpretabitur dieb. Mart. Merc. Ven. Sat. h. x. IV. *Architecturae romanae historiam* enarrabit dieb. Mart. Merc. Ven. Sat. h. xi.

**ADOLPHUS DUFLOS, Dr. P. P. O.** Publice I. *Repetitorium pharmaceutico-chemicum* instituet bis per hebd. h. ix. II. *Chemiae analyticae elementa* docebit bis per hebd. h. ix. Privatim III. *Chemia pharmaceuticam anorganicam* docebit sexies per hebd. h. vii. IV. *Venenorum chemicorum proprietates eorumque explorationem* explicabit bis per hebd. h. ix.

**ADALBERTUS CYBULSKI, Dr. P. P. O. des.** Publice I. *Antiquissima carmina bohémica, quae „Königinhofer Handschrift“ appellantur*, explicabit d. Merc. et Sat. h. ii. Privatim II. *Historiam litterarum slavicarum universam* tradet quater per hebd. dieb. Lun. Mart. Iov. Ven. h. ii. Privatissime III. *Polonica, Bohémica, Russica, Serbica studia* tractaturis operam suam offert.

**AUGUSTUS SCHMOELDERS, Dr. P. P. O. des.** Publice I. *De poësi et arte metrica Hebraeorum* disputabit d. Lun. et Iov. h. xi. II. *Institutiones Syriacas continuaturus Roedigeri chrestomathiam* pertractabit d. Mart. et Ven. h. xi. III. *Scriptores Arabicos tum faciliores tum difficiliore intellectu alternis horis* explicabit dieb. Lun. Mart. Merc. Iov. h. x. IV. *Linguae Persicae elementa* docebit bis per hebd. h. indic. V. *Grammaticae arabicae elementa* tradet bis per hebd. h. indic.

**HENRICUS RUECKERT, Dr. P. P. E. des.** Publice I. *Mythologiam Germanorum* tradet d. Lun. et Iov. h. viii. Privatim II. *Carmen Anglosaxonicum Beowulf* interpretabitur d. Lun. et Iov. h. viii. Privatissime III. *Scholas theotiscas* instituet dieb. et hor. def.

**RUDOLPHUS WESTPHAL, Dr. P. P. E. des.** Privatissime et gratis I. *Exercitationes philologicas* regere perget. Publice II. *Calulli carmina* explicabit bis per hebd. Privatim III. *Grammaticam graecam* docebit quinques per hebd. h. vii.

**HENRICUS EDUARDUS SCHROETER, Dr. P. P. E. des.** Publice I. *De proprietatibus determinantium* disseret d. Mart. et Ven. h. xi. Privatim II. *Theoriae numerorum elementa* docebit dieb. Lun. Merc. Iov. h. xi.

**EDUARDUS MAGNUS**, Dr. P. P. E. des. Publice I. *Scriptores Arabicos ad intelligendum faciliores* interpretabitur ter per hebd. h. def. II. *Scriptores Arabicos ad intelligendum difficiliore*, in his opera *Rabbinico-Arabica* explicare perget bis per hebd. h. def. III. *Scriptores Syriacos*, nec non partem *grammaticae Syriacae* alteram tractabit ter per hebd. h. def.

**FERDINANDUS IULIUS COHN**, Dr. P. P. E. des. Publice I. *De historia algarum naturali* disseret bis per hebd. h. def. Privatum II. *Familias plantarum naturales* explicabit d. Iov. et Merc. h. vi. vespert. in horto botanico, d. Sat. h. x. in audit. v. III. *Evolutionem plantarum cryptogamicarum* docebit, *exercitationibusque microscopicis* nec non *excursionibus* illustrabit ter per hebd. h. def.

**CAROLUS IULIUS BERGIUS**, Dr. P. P. E. des. Gratis I. *De pecunia, imprimis regni Borussici* disseret d. Iov. h. xi. Privatum II. *Doctrinam de politia* exponet dieb. Lun. Merc. Sat. h. xi.

**ARMINIUS MARBACH**, Dr. P. P. E. des. Gratis I. *De electricitate* disseret bis per hebd. Privatum II. *Physicen universam* docebit et *experimentis* illustrabit sexies per hebd. h. xii.

**GUSTAVUS GUILIELMUS KOERBER**, Dr. Gratis I. *Excursionem ad plantas cryptogamicas colligendas* instituet semel per hebd. Privatum II. *Lichenologiam* docebit quater per hebd. h. def.

**PAULUS EDUARDUS CAUER**, Dr. Gratis. *Res a Friderico Magno gestas* enarrabit d. Merc. h. iv.

**CAROLUS LEONARDUS HENRICUS SCHWARZ**, Dr. Gratis I. *De calore* disseret semel per hebd. Privatum II. *Technologiam chemicam* tradet quater per hebd. Privatissime III. *Volumetriad* docebit in lab. suo.

**GUSTAVUS FRIDERICUS GUILIELMUS SUCKOW**, Dr. Gratis. *Philosophiam religionis christianae* tradet d. Lun. et Mart. h. vii. mat. cuiusque diei.

**IMMANUEL OGINSKI**, Dr. Gratis I. *Quaenam ratio philosopho cum sua natione sit* inquit d. Sat. h. xii. Privatum II. *Paedagogicen ad vitam applicandam* tractabit d. Lun. et Mart. h. xii. III. *Religionis philosophiam* docebit dieb. Merc. Iov. Ven. h. xii.

**IACOBUS BERNAYS**, Dr. Gratis. *Selectas Ciceronis ad Atticum epistolas* enarrabit d. Merc. h. v.

**FRIDERICUS HERMANNUS BERTHOLDUS RUMPELT**, Dr. Privatissime et gratis. *Grammaticam Gothicam* tradet et *Ulfilam* interpretabitur d. Merc. et Sat. h. ii.

**FRIDERICUS GUILIELMUS PFEIFFER**, Dr. Gratis I. *Linguam Gothicam* docebit d. Lun. et Iov. h. vii. II. *Historiam litterarum Germanicarum saec. XIX.* enarrabit d. Iov. h. viii.

**RICHARDUS COLMARUS GRUENHAGEN**, Dr. Gratis. *Historiam civitatis Vraislaviensis* tradet bis per hebd.

**MAXIMILIANUS THEODORUS KAROW**, Dr. Gratis I. *Divinam Dantis comoediam* interpretari perget dieb. Mart. Iov. Ven. h. vi. mat. II. *Linguae Francogallicae veteris*

*grammaticam tradet selectaque et scriptorum et poetarum inde ab antiquissimis temporibus usque ad annum MD. capita interpretabitur d. Merc. et Sat. h. vi. mat.*

**CAROLUS ALBERTUS SCHERNER, Dr.** Gratis I. *De somniorum natura, legibus phaenomenisque variis* disseret d. Lun. et Iov. h. ii.

**LOTHARIUS MEYER, Dr.** Gratis I. *Zoochemiam et phytochemiam* tradet et *experimentis* illustrabit d. Lun. et Iov. h. v. pom. Privatissime II. *Repetitorium chemiae organicae* instituet hor. bin. def. III. *Exercitationes in laboratorio physiologico-chemico instituendas* moderabitur quotidie praeter d. Sat.

**EDUARDUS LUEBBERT, Dr.** Publice I. *Topographicas Athenarum et Romae antiquitates* illustrabit d. Mart. et Sat. h. iv. Privatim II. *Aristotelis organon* interpretabitur dieb. Lun. Mart. Ven. h. v. Privatissime III. *Latine loquendi exercitationes* instituet d. Merc. et Sat. h. v.

**EXPEDITUS BAUMGART, Dr.** Gratis I. *Artis harmonicae partem alteram* docebit bis per hebd. II. *Organo canendi artem* docebit bis per hebd.

**IULIUS SCHAEFFER.** Gratis I. *Artem pluribus vocibus concinendi* docebit semel per hebd. II. *Evangelici cantus ecclesiastici historiam* continuabit semel per hebd. Privatim III. *De illius musicae artis generis, quod hodie „Lied“ vocant, natura atque historia* disseret semel per hebd.

## LECTORES LINGUARUM.

**CHRISTOPHILUS HENRICUS NEUMANN, Dr.** Gratis I. *Libros regum grammaticae* explicabit ter per hebd. h. def. Privatim II. *Psalmos grammaticae potissimum ratione habita* explicabit ter per hebd. h. def.

**AUGUSTUS THEODORUS PEUCKER, Dr.** Gratis I. *Grammaticam linguae graecae vulgaris* docebit d. Merc. et Sat. h. ii. II. *Zampelii Leucadii Timoleontem* interpretabitur hor. aud. com.

**ARMINIUS EDMUNDUS OTTOMARUS BEHNSCH, Dr.** Gratis I. *Shakespearii Hamletum* explicabit d. Mart. et Ven. h. iii. Privatim II. *Praefatus de origine et indole linguae anglicae librum, cui titulus est „Critical and Historical Essays by Th. B. Macaulay,“* cum commilitationibus leget d. Mart. et Ven. h. iv.

**ALEXANDER MAROCHETTI, Lect.** Gratis I. *Librum classicum, „Le notti romane al sepolcro degli Scipioni“* ab Alexandro Verri scriptum interpretabitur bis per hebd. Privatim II. *Italice loquendi et scribendi exercitationes* moderabitur bis per hebd. Privatissime III. *Rudimenta linguae Italicae* docebit bis per hebd.

**IOANNES NICOLAUS FRITZ**, Lect. Gratis I. *Linguae Polonicae grammaticam* docebit atque *exercitationes voce et litteris vertendi* instituet duce libello suo, in quo *linguae Polonicae elementa* traduntur bis per hebd. II. *Cum exercitatoribus commilitoribus librum aliquem Polonicum* leget et interpretabitur semel per hebd. h. def.

**CAROLUS FRANCISCUS LUDOVICUS DANIEL FREYMOND**, Lect. Gratis I. *Aemilii Souvestrii libellum ab academia litterarum Parisiensi praemio ornatum*, cui titulus est: „*Un philosophe sous les toits*“ — leget et explicabit, atque *de nonnullis eiusdem operibus* disputabit bis per hebd. h. def. Privatum II. *Grammaticam francogallicam* tradet et *exercitationes francogallice loquendi et scribendi* instituet bis per hebd. h. def.

**VINCENTIUS KRAIŃSKI**, Dr. Lector hon. Gratis I. *Linguam Polonicam triplici discentium ordine instituto* docebit sexies per hebd. II. *Litterarum Polonicarum historiam* enarrabit quater per hebd. III. *Eloquentiam sacram Polonicam* tractabit bis per hebd.

---

Artem vel graphide delineandi vel penicillo imitandi docebit *Siegert*, artem equitandi *Preusse*, saltandi *de Kronhelm*.

Bibliothecae Academicae lecturis apertae patebunt diebus Lun. Merc. Iov. Sat. hor. II. et III., libros petituris et reddituris dieb. Mart. Merc. Ven. Sat. hor. XI. Leges indicat scheda in coenaculo studiis dicato proposita. Bibliotheca Studiosorum propria cum Museo patebit dieb. Mart. Merc. Ven. Sat. h. II—V. Ex reliquis tribus urbis bibliothecis Rehdigerana cum Burgiana ad aedem S. Elisabethae consociata patebit dieb. Merc. et Sat. ab hora II. ad IV.; ea autem quae est ad aedem S. Bernardi, singulis diebus Iovis eisdem horis; de tertia, quae ad aedem S. Mariae Magdalenae servatur, conveniendus singulis diebus Saturni ab hora X. ad XII. bibliothecarius est, qui est gymnasii M. Magdalenensis rector.

Collectiones rerum et instrumentorum ad physicam, astronomiam, anatomen, physiologiam, zoologiam pertinentium, laboratorum chemicum, artis et antiquitatum Museum et pinacotheca inspiciendi venia suo loco et tempore impetrata monstrabuntur. Hortus botanicus diebus omnibus praeter dominicos patebit.

---